

საქართველოში აივ ინფექციის/შიდსის, ტუბერკულოზისა და მალარიის წინააღმდეგ მიმართულ ღონისძიებათა ქვეყნის ერთიანი საკოორდინაციო საბჭოს განცხადება საბჭოს შემადგენლობის განახლების თაობაზე/ტუბერკულოზის სფეროში მოღვაწე არასამთავრობო ორგანიზაცია

შესავალი

საქართველოში აივ ინფექციის/შიდსის, ტუბერკულოზისა და მალარიის წინააღმდეგ მიმართულ ღონისძიებათა ქვეყნის ერთიანი საკოორდინაციო საბჭო ჩამოყალიბდა 2003 წელს საქართველოს მთავრობის და სხვა შესაბამისი და დაინტერესებული პირების მიერ გლობალური ფონდის საგრანტო სახსრების მიღების, აღნიშნული სახსრების ეროვნული რეაგირების ფარგლებში სათანადო კოორდინირების და გრანტების რეალიზაციის ეროვნული კონტროლისა და მფლობელობის უზრუნველყოფის მიზნით. საბჭო წარმოადგენს ქვეყნის მასშტაბით აივ ინფექციის/შიდსის, ტუბერკულოზისა და მალარიის წინააღმდეგ ბრძოლის შედეგიანობისა და მდგრადობის გაუმჯობესების მიზნით შექმნილ კოლეგიურ ორგანოს – ამ სფეროში ჯანმრთელობის დაცვის პროგრამების განხორციელების პროცესში საჯარო და კერძო პარტნიორობის მექანიზმს ეროვნულ დონეზე. საბჭო თავის საქმიანობას წარმართავს საქართველოს კონსტიტუციის, საქართველოს საერთაშორისო ხელშეკრულებებისა და შეთანხმებების, საქართველოს კანონების, კანონქვემდებარე ნორმატიული აქტებისა და საქართველოს მთავრობის №220 2012 წლის დადგენილებით დამტკიცებული საქართველოში აივ ინფექციის/შიდსის, ტუბერკულოზისა და მალარიის წინააღმდეგ მიმართულ ღონისძიებათა ქვეყნის ერთიანი საკოორდინაციო საბჭოს დებულების შესაბამისად და ასრულებს კანონმდებლობითა და ამ დებულებით გათვალისწინებულ ან საქართველოს მთავრობის მიერ დაკისრებულ ამოცანებს. საბჭოს ერთ-ერთი უმთავრესი პასუხისმგებლობაა მისი სტატუსისა და ფუნქციონირების მონიტორინგი იმის დასადასტურებლად, რომ ის აკმაყოფილებს გლობალური ფონდის საკვალიფიკაციო მოთხოვნებს და მინიმალურ სტანდარტებს. ის, ასევე, ყოველგვარ შესაძლო ზომას მიიღებს გლობალური ფონდის რეკომენდაციების და საბჭოს დირექტივების განხორციელებისთვის.

საბჭოს შემადგენლობა

საბჭოს შემადგენლობაში ერთიანდება 30-მდე წევრი, რომლებიც წარმოდგენილნი არიან სამთავრობო და არასამთავრობო სექტორებიდან და ასევე დონორი ორგანიზაციებიდან. საბჭოში სამთავრობო სექტორისთვის გათვალისწინებულია 12 ადგილი, 4 ადგილი ეთმობა მულტილატერალურ და ბილატერალურ დონორებს. 14 ადგილი გათვალისწინებულია სამოქალაქო სექტორისთვის.

გლობალური ფონდის მოთხოვნებისა და საბჭოს მმართველობის სახელმძღვანელოს შესაბამისად სამოქალაქო სექტორის წარმომადგენლობა ნაწილდება შემდეგნაირად:

სამი არასამთავრობო ორგანიზაცია აივ/შიდსის სფეროში მოღვაწეობის გამოცდილებით (როგორც საერთაშორისო, ასევე ადგილობრივი)-3 წარმომადგენელი

აივ პოზიტიური პირი-1 წარმომადგენელი

აივ/შიდსით დაზარალებული ჯგუფები, კერძოდ:

- ინექციური ნარკომომხმარებლები-1 წარმომადგენელი
- მამაკაცები, რომლებსაც აქვთ სექსი მამაკაცებთან (MSM)-1 წარმომადგენელი
- სხვა აივ/შიდსით დაზარალებული ჯგუფი- 1 წარმომადგენელი

ორი არასამთავრობო ორგანიზაცია ტუბერკულოზის სფეროში მოღვაწეობის გამოცდილებით (როგორც საერთაშორისო, ასევე ადგილობრივი)-2 წარმომადგენელი

პირი, რომელსაც ამჟამად აქვს ან გადაიტანა ტუბერკულოზი-1 წარმომადგენელი

ტუბერკულოზით დაზარალებული ჯგუფები -1 წარმომადგენელი

სამოქალაქო სექტორის სახელით საბჭოში ასევე მუშაობენ რელიგიური (1 წევრი), აკადემიური (1 წევრი) ორგანიზაციების და კერძო სექტორის (1 წევრი) წარმომადგენლები.

საბჭო იწვევს ტუბერკულოზის სფეროში მოღვაწე დაინტერესებულ არასამთავრობო ორგანიზაციას გამოხატოს საბჭოში მუშაობის ინტერესი და წარმოადგინოს კანდიდატი საბჭოში გასაწევრიანებლად. მოწვევა შეეხება შემდეგ პოზიციას:

- ტბ სფეროში მოღვაწე არასამთავრობო ორგანიზაცია (როგორც საერთაშორისო, ასევე ადგილობრივი) - 1 წევრი

თითოეული „წარმომადგენლობისთვის“ (Constituency) საბჭოში დასაშვებია ინტერესთა კონფლიქტით მხოლოდ ერთი წევრის მუშაობა. თითოეული დაზარალებული ჯგუფის განიხილება, როგორც ცალკე წარმომადგენლობა.

ორგანიზაციამ საბჭოში გაწევრიანებისთვის დასაშვებია წარმოადგინოს მხოლოდ ერთი კანდიდატი.

საბჭოს წევრის ფუნქციები და უფლება მოვალეობების დეტალური აღწერა გთხოვთ იხილოთ მმართველობის სახელმძღვანელოში, რომელიც ხელმისაწვდომია შემდეგ ბმულზე:

<http://www.georgia-ccm.ge/wp-content/uploads/Georgia-CCM-Governance-Manual1.pdf>;

<http://www.georgia-ccm.ge/wp-content/uploads/4-Georgia-CCM-Governance-Manual-GEO.pdf>.

ქვეყნის საკოორდინაციო საბჭოს დებულება ხელმისაწვდომია შემდეგ ბმულზე:

<http://www.georgia-ccm.ge/wp-content/uploads/CCM-Decree-2012.pdf>;

<http://www.georgia-ccm.ge/wp-content/uploads/5-CCM-ToR-Eng.pdf>

საბჭოს წევრების შერჩევის პროცედურა

საბჭო წევრობის მიზნით განიხილავს იმ პირთა კანდიდატურებს, რომლებიც შეირჩევა მათივე „წარმომადგენლობის“ (Constituency) მიერ გამჭვირვალე და კარგად დოკუმენტირებული პროცესის საფუძველზე.

ტუბერკულოზის სფეროში მომუშავე არასამთავრობო ორგანიზაციების საბჭოში წევრის სტატუსით მიღებისას საბჭო იხელმძღვანელებს შემდეგი კრიტერიუმებით:

1. ტუბერკულოზის არასამთავრობო ორგანიზაციებისთვის სავალდებულოა შესაბამისად ტუბერკულოზის სფეროში მუშაობის, სულ მცირე, სამი წლის გამოცდილება. გათვალისწინებული იქნება, როგორც ინსტიტუციური, ასევე წევრობის კანდიდატის ინდივიდუალური გამოცდილება.
2. ორგანიზაცია გეგმავს მუშაობის გაგრძელებას (და გააჩნია ამისთვის საჭირო რესურსი) ტუბერკულოზის სფეროში მომდევნო ორი წლის მანძილზე.

3. სასურველია მუშაობის გამოცდილება საერთაშორისო დონორული დაფინანსებით მიმდინარე ადგილობრივ და რეგიონულ პროექტებში
4. არსებული ან პოტენციური ინტერესთა კონფლიქტი, რაც აღმოცენდება იმ შემთხვევაში თუ ორგანიზაცია არის ან შესაძლოა მომავალში გახდეს გლობალური ფონდის პროექტის ფარგლებში დაფინანსების მიმღები.

შენიშვნა: თითოეული „წარმომადგენლობისთვის“ საბჭოში დასაშვებია ინტერესთა კონფლიქტით მხოლოდ ერთი წევრის მუშაობა.

საბჭო არ განიხილავს არასამთავრობო ორგანიზაციების ინდივიდუალურ განცხადებებს წევრობის თაობაზე. საბჭოში გაწევრიანების მიზნით საბჭო განიხილავს იმ კანდიდატურებს, რომლებიც ამ „წარმომადგენლობების“ მიერ შეირჩევიან ღია, გამჭვირვალე და კარგად დოკუმენტირებული პროცესის საფუძველზე. განცხადებასთან ერთად ორგანიზაციამ უნდა წარმოადგინოს დეტალური აღწერილობა იმისა, თუ როგორ მოხდა მისი შერჩევა საბჭოში წარსადგენად და რომელი არასამთავრობო ორგანიზაციების სახელით იმუშავენ ის საბჭოში. თანდართული დოკუმენტაცია, სულ მცირე, უნდა შეიცავდეს, შერჩევის კრიტერიუმებს, წევრის სამუშაო აღწერილობას, დეტალურ სამუშაო გეგმას, სადაც მკაფიოდ იქნება განსაზღვრული „წარმომადგენლობას“ და საბჭოს შორის უწყვეტი უკუკავშირის უზრუნველყოფის მექანიზმი, წარდგენილი კანდიდატის ძირითადი დავალებები და საკომუნიკაციო ვალდებულებები „წარმომადგენლობასთან“ მიმართებაში. ნომინირებული წევრის მიერ არადაამაკმაყოფილებელი მუშაობის შემთხვევაში წარმომადგენლობიდან მისი სხვა წევრით ჩანაცვლების მექანიზმი,

საბჭოში გაწევრიანებისთვის უნდა შეივსოს განაცხადი, რომელიც საბჭოს უნდა წარედგინოს ყველა მითითებულ დოკუმენტთან ერთად. განაცხადის ფორმა გთხოვთ იხილოთ შემდეგ ბმულზე: <http://www.georgia-ccm.ge/wp-content/uploads/3-CCM-Renewal-ApplicationForm-Final-GEO1.pdf>. განაცხადის ფორმა შეიცავს განაცხადთან დასართავი დოკუმენტაციის ნუსხას.

საბჭოში განაცხადების წარდგენის საბოლოო ვადაა 2018 წლის 26 ივნისის 18:00 საათი. მითითებული ვადის შემდეგ შემოსული განაცხადები აღარ განიხილება. საბჭოს სამდივნო უფლებამოსილია ინდივიდუალური წესით დაუკავშირდეს აპლიკანტს და მოსთხოვოს განმარტება ან დამატებითი დოკუმენტაციას მოწოდება. საბჭო განაცხადებს განიხილავს და ახალი წევრების თაობაზე გადაწყვეტილებას მიიღებს საბჭოს უახლოეს სხდომაზე. ყველა შერჩეულ კანდიდატს ამტკიცებს საბჭოს მოქმედი შემადგენლობა. შერჩევის მექანიზმი (ღია კენჭისყრა, ფარული კენჭისყრა და ა.შ.) განისაზღვრება საბჭოს მიერ განაცხადების მიღების შემდეგ. შერჩევა ჩატარება საბჭოს მმართველობის სახელმძღვანელოს თანახმად დადგენილი პროცედურის შესაბამისად.

ქვეყნის საკოორდინაციო საბჭო იტოვებს უფლებას გაასაჯაროვოს წარმომადგენლობის მიერ შერჩევის პროცედურის ამსახველი დოკუმენტი/ები მაგ. საბჭოს ვებ-გვერდზე განთავსების გზით.

განაცხადი და თანდართული დოკუმენტაცია უნდა გაიგზავნოს საბჭოს სამდივნოში შემდეგ ელექტრონულ მისამართზე: admin.ccm@caucasus.net. დოკუმენტაციის სრული ასლი იგზავნება

საბჭოს ადმინისტრაციულ მდივანთან secretary@ccm.caucasus.net.
გთხოვთ მიუთითოთ ელექტრონული წერილის სათაურში თუ რომელი პოზიციითს
დასაკავებლად არის გამოხატული ინტერესი.